

Вольбы
до органів самосправных країв

Інформації про воліча

I

Датум і час волеб

Вольбы до органів самосправных країв будуть
в суботу 4. новембра 2017 од 7:00 до 22:00 години

II

Право волити

Право волити до органів самосправных країв мають обчан Словацькой републіки і чужінець, котрого місце стабільного биваня належить до території самосправного краю або мають місце стабільного биваня у воєнськїм обводї, котрый односно волеб до органів самосправного краю спадать до єго території (дале лем „житель самосправного краю“) і найпізніше в день волеб досяг 18 років віку.

Конфліктом з правом волити є:

- законне окліщїня особной слободы впливаюче з охрани верейного здравя,
- заарештованя за барз важный злочїн.

III

Право быти воленым

За посланця заступительства самосправного краю може быти зволений житель самосправного краю, котрого місце стабільного биваня належить до території самосправного краю або мають місце стабільного биваня у воєнськїм обводї, котрый належить до території волебного обводу в котрім кандїдує, і найпізніше в день волеб досяг 18 років віку.

За председу самосправного краю може быти зволений житель самосправного краю, котрый найпізніше в день волеб досяг 25 років віку.

Конфліктом з правом быти воленым є:

- заарештованя,
- правоплатне одсуджїня за напланованый кримінальный чїн, покы одсуджїня не было заглажене,
- однятя способности робити правны діла.

IV

Способ голосованя

Воліч може волити лем в селї/містї свого стабільного биваня у волебнїм раєнї, в списку котрого є записаный.

Воліч по вступї до волебной містности є повинный превказати обводнїй волебнїй комісії свою тотожность обчаньсков легїтімаціов або документом о перебуваню чужїнця.

Потім обводна волебна комісія закружує чісло воліча в списку волічів і выдасть волічови два листы на голосованя - лист на голосованя на вольбы до заступительства і лист на голосованя на вольбы председателя самосправного краю і порожню копертку з уряднов печатков села (міста або міської части). **Перевзятя листів на голосованя і копертки потвердить воліч у списку волічів властноручным підписом.**

Каждый воліч повинен піти перед голосованєм до выдїленой части містности, в котрій може управити лист на голосованя. Волічови, котрый не вступить до того простору, обводна волебна комісія не доволить голосовати.

На листі на голосованя при вольбах до заступительства може воліч закружовати найвече тільки чісел кандидатів, кїлько посланців мать быти в данім волебнім обводі зволеных. (Чісло посланців, котре ся волить у волебнім обводі, є уведжене на листі на голосованя.)

На листі на голосованя при вольбах председателя може воліч закружовати чісло лем єдного кандидата.

У части выдїленій на управу листів на голосованя вложить воліч до копертки єден лист на голосованя при вольбах председателя самосправного краю. Воліч голосує так, же як одыйде з выдїленой части містности, котра служить на управу листів на голосованя, вложить копертку до волебной урны.

На пожаданя воліча обводна волебна комісія му выдасть за неправилно управлены листы на голосованя іншы. Неправилно управлены листы на голосованя воліч вложить на місто выдїлене на одложія несхоснованых листів на голосованя.

Воліч, котрый не може сам управити лист на голосованя із здравотных причін або зато, же не може читати ці писати і перед голосованєм поінформує о тім факті обводну волебну комісію, має право взяти із собов до выдїленой части на управу листів на голосованя іншу способну особу, жебы подля ёго інструкцій управила лист на голосованя і вложила го до копертки. Обидві особы перед вступом до выдїленой части на управу листів на голосованя член обводной волебной комісії поучить о способі голосованя, о основі трестного skutку марїня приправы і ходу волеб. Членове обводной волебной комісії не сміють волічам управлєвати листы на голосованя.

Місто воліча, котрый не може із здравотных причін сам вложити копертку до волебной урны, може ю до нєй на ёго жадость і в ёго притомности вложити інша особа, але не член волебной комісії.

Воліч, котрый не може прийти до волебной містности із важных, главно здравотных причін, має право пожадати обводну волебну комісію голосовати до переносной волебной урны, а то лем на теріторії волебного обводу, про котрый была обводна волебна комісія створена.

Воліч повинен одложити несхоснованы листы на голосованя або неправилно управлены листы на голосованя до запечатованой ладічки на несхоснованы або неправилно управлены листы на голосованя, інакше ся допустить переступлїня, за котре дістане покуту 33 евра.